

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（ 85 ）



國家圖書館出版社

中國地方志佛道教文獻匯纂·寺觀卷
江蘇省 鎮江市

句容縣志

清·曹襲先纂修

清乾隆十五年（一七五〇）修

光緒二十六年（一九〇〇）楊世沅重刻本

圖

式

四 治 縣





三台塔園











鄧都洞在丁公山巖下建炎中河北博州道人王若雷獨居巖下夢神人指巖穴曰此鄧都考試之所可去洞百步居焉至秦檜沒夫人王氏純素詣靖真宗師乞拜章知檜繫此鄧山獄中命子燔卽洞口建太乙殿以求冥釋名洞雲庵

世志

燕口洞在方隅山南有憫室女仙人錢妙真遁化其中清祐五年巡檢使夏侯嘉貞與建隆道士詣洞投龍簡是夕雷震洞戶開一廳吏深入邇來禽一枚食之絕粒

明田霖詩燕口龍泓氣象清錢真此處有遺靈仙兄去後師猶在女弟同時洞已曷雲葉尙如披素練泉聲長似誦黃庭碧桃花發菖蒲紫留與人間作畫屏

女仙洞在碧巖洞東三十步穴口下視如甕井然相傳任真人之女得道變遁於此

南斗洞在三角山女官廟法庵

方臺洞在方山下有洞室兩口見外與華陽通號爲別宇山館
得道者處焉世人呼爲白右洞

張果老洞在望仙鄉白石山有張果老祠竝驢跡

誌公洞在華山寺後山腰巉石虛敞如屋藤花深蔽鍾乳倒垂
洞側啟若軒窗下有卓錫泉俱以誌公名

王褒詩寶誌修持未出鄉鷹巢猶若不終藏此間墨石成門
戶到處將身作道場溪上花逢眞漢魏洞中人笑假齊梁壚
峰巖竊長干塔一炷高懸當定香

句容縣志卷第四

古蹟志

名勝
庵堂

塚墓

祠廟

寺觀

宮院

壇壝

名勝

昇仙樓在縣治東南隅岳壽山樓止後得道昇仙而去故名至
今暑天無蚊蠅名曰昇仙街

玉帶樓在縣治東崇明寺藏經院李文定公爲諸生時讀書院
內月潭僧房戲題壁曰年年山寺聽鳴鐘匹馬長安憶遠公
異日定須留玉帶題詩未可著紗籠後嘉靖丁未廷對第一
果應前語官翰林給假南還月潭踵門持楮求書並請踐約
公書前律笑解所繫玉帶並西番所進番經一冊付之及公
累官宗伯拜大學士月潭刻詩於石並建樓藏經貯帶用鎮
山門與古刹共垂不朽

鐘樓在縣治東北崇明寺內唐時建會昌之亂寺毀兵火惟天王殿鐘樓獨存規模殊古相傳殷郢後人所造趙子昂書扁鶴臺在縣治東南四十里金茵山後常有羣鶴往來宋張道士築此居焉臺前有鳳凰阿

葛仙公舊宅在縣北門外八里許此乃稚川拔宅飛昇之所今改爲小庵供奉仙翁至青元觀之庵乃仙公煉丹之地丹井猶存門上扁額係趙子昂書蓋仙公煉丹七十二處丹成不服曰吾功行未滿卽上昇列職天曹於心有愧故在世日上帝卽封左宮仙公世人卽以仙公稱之上昇先一年上帝賜

冠履章服以次年八月十五日昇舉是日空中鸞鶴仙童數百仙翁服丹乘車冉冉上昇親朋及觀者千人共覩仙公空中吟五言詩數十韻以詔徒眾

見本傳內

邑舉人高世傑詩仙翁得道位左宮當其住世稱仙公華陽舊宅洞天通水匝山環在句容七十二處煉丹功丹成不服做老翁玉帝寵錫迎雙龍白日飛昇雲朧朧仙車縹緲五色中作詩仙翁聲在空朗朗吟之下清風仙童數百雲璈動鸞鶴飛空萬目送須臾直上誰其從凡夫頓足成大慟仙道在人人不逢午前子後都悻悻只今舊宅我咫尺歲歲桃花丹井紅